

Expediente núm.: 246/2022

BASES DESFILE CARROZAS E COMPARSAS ENTROIDO 2022

- 1) A Concellaría de Cultura do Concello de Salceda de Caselas convoca o XXIII Desfile de Carrozas e Comparsas que se realiza dentro do programa de actividades e espectáculos do Entroido 2022.

Neste desfile poderán inscribirse todas aquelas comparsas integradas por un mínimo de 15 compoñentes e constituídas legalmente como asociación. No caso da participación de menores de idade deben acompañarse á solicitude unha autorización de participación asinada polas nais/pais de cada unha/un das/dos menores, eximíndose o Concello de toda responsabilidade derivada deste incumprimento.

Establécense dúas modalidades:

- Modalidade A: Comparsas sen carroza
- Modalidade B: Comparsas con carroza

- 2) As inscricións presentaranse no rexistro do Concello de Salceda de Caselas. As agrupacións de Salceda poderán formalizar a inscrición entre o 7 e o 13 de febreiro, e as de outros Concellos entre o 14 e o 20 de febreiro. As inscricións deberán realizarse obrigatoriamente mediante a sede electrónica do Concello de Salceda de Caselas (salcedadecaselas.sedelectronica.gal), empregando o modelo xenérico de Instancia Xeral. Todas aquelas solicitudes presentadas fora de prazo non poderán optar ao premio por participación.

No momento de realizar a inscrición é preciso presentar a seguinte documentación:

- Solicitude de participación no desfile.
- Fotocopia do CIF da Asociación.
- Certificado bancario do número de conta da asociación.
- Fotocopia do DNI da persoa representante da asociación e documento acreditativo do seu nomeamento.
- Listaxe de participantes na que apareza a data de nacemento da persoa de maior e a de menor idade.
- Autorizacións para a participación das/dos menores de idade asinadas pola nai/pai.
- Nomeamento da persoa que formará parte do xurado.
- Lonxitude das carrozas por vehículos que compoñen a comparsa.
- Copia do seguro obrigatorio dos vehículos que formen parte da comparsa, e número de teléfono das/os conductoras/es dos mesmos.
- Declaración responsable co compromiso de cumprimento da normativa en materia de prevención da COVID19 vixente na data do desfile.



O Concello, por motivos de seguridade e de organización, resérvase o dereito de reducir ou ampliar o prazo de inscrición.

Cada asociación só poderá inscribir unha agrupación baixo o seu nome.

- 3) O desfile de comparsas e carrozas celebrarase o domingo 27 de febreiro de 2022. Se as condicións climatolóxicas non permiten a realización do desfile, este celebrarase o 6 de marzo de 2022. A saída queda fixada para as 17:00 horas dende a Praza da Devesa, discorrendo o desfile polas rúas Vigo, Avenida de Galicia, Victoriano Pérez Vidal, Rollo e Doutor Zunzunegui. As carrozas deberán estar no sitio asignado de saída entre as 15:30 e as 16:30.

O retraso ou anticipo na chegada das carrozas conlevará redución no premio por participación, a razón de 5€ por cada minuto de diferenza.

- 4) O luns 21 de febreiro celebrarase unha reunión organizativa ás 19.00 na Casa da Cultura de Salceda, á cal deberá acudir obrigatoriamente a persoa representante de cada agrupación. De seguido, ás 19.30, celebrarase outra reunión coas persoas designadas por cada agrupación para formar parte do xurado, tamén de obrigada asistencia.

Nesta reunión establecerase a orde de desfile das comparsas mediante un sorteo. As comparsas participantes poderán acordar cambios na orde na propia reunión, suxeitos á aprobación por parte do Concello.

- 5) Cada comparsa terá un distintivo co seu nome e número de compoñentes visible na parte frontal da súa carroza. Así mesmo levará visible o cartaz co número de participante que lle será entregado na reunión do 21 de febreiro.
- 6) Queda totalmente prohibido o uso de petardos, sprays, bengalas ou lanzamentos de obxectos perigosos ao público.
- 7) As carrozas e comparsas levarán unha velocidade lenta para amosar o seu traballo, non podendo deterse durante o percorrido, salvo causa maior xustificada.
- 8) Queda prohibido levar calquera tipo de animal na comparsa. Estes poderán levarse na carroza cumprindo sempre coas medidas de seguridade e hixiene precisas.
- 9) As carrozas deberán levar os altosfalantes dirixidos cara a súa propia comparsa ou cara os laterais. Quedan prohibidos os altosfalantes dirixidos cara a comparsa anterior ou posterior. A organización do desfile poderá requirir ás comparsas que baixen o volumen.

- 10) Pagamento por participación:



Establécense os seguintes pagamentos por participación:

Modalidade A:

- Comparsas de 15 a 40 membros: 150,00 €
- Comparsas de 41 ou máis membros: 300,00 €

Modalidade B:

- Carroza e comparsa de 15 a 30 membros: 250,00 €
- Carroza e comparsa de 31 a 75 membros: 550,00 €
- Carroza e comparsa de 76 ou máis membros: 900,00 €

O pagamento por participación rematará no momento en que a cantidade a repartir por comparsas inscritas, segundo o número de compoñentes e por riguroso orde de inscrición, chegue á cantidade disposta polo Concello de Salceda, sendo o orzamento máximo a estes efectos de 8.000,00 €.

O número de compoñentes deberá figurar nun cartaz visible na carroza. Porén, os compoñentes serán contados pola organización durante o transcurso do desfile.

No suposto de que algunha comparsa teña compoñentes en corentena por COVID19 e non poidan asistir ao Desfile, deberán acreditarlo documentalmente para poder contabilizalos/las de cara ao pagamento por participación.

11) Establécese como premio un xamón para a mellor comparsa en cada unha das seguintes categorías:

- Mellor coreografía.
- Comparsa máis festeira.
- Comparsa con maior número de compoñentes.
- Temática máis orixinal.
- Mellor vestiario.
- Mellor maquillaxe.
- Mellor carroza.
- Persoa participante de maior idade.

Para outorgar estes premios formarase un xurado composto por unha persoa designada para tal fin por cada unha das comparsas participantes. Dito membro quedará xa designado no momento de inscribir a comparsa para o concurso. Os membros do xurado acudirán a unha reunión na Casa da Cultura o luns 21 de febreiro ás 19:30 horas, na que se explicarán os criterios de valoración e o sistema de votación das carrozas e comparsas.

12) A celebración do Desfile de Carrozas e Comparsas queda condicionado á evolución dos casos de COVID19. No suposto de que na data do desfile a incidencia sexa moi alta, o Concello poderá tomar a decisión de adiar a celebración do desfile, pondo como límite o 3 de abril de 2022. Porén, o Concello poderá tomar a decisión de cancelar definitivamente o desfile.

- 13) No suposto que algunha comparsa incumpra a normativa en materia de seguridade COVID19 durante a participación, o Concello, logo de advertirullo, poderá sancionar economicamente e incluso descalificar a dita agrupación.
- 14) Estas bases serán publicadas no taboleiro de edictos do Concello de Salceda de Caselas así como na páxina web. (www.salcedadecaselas.gal)
- 15) Para calquera cuestión non contemplada nas presentes bases, a organización resolverá segundo o seu criterio, sen que esta se vexa obrigada a comunicalo previamente.
- 16) O feito de inscribirse no Desfile de Carrozas e Comparsas supón a plena aceptación das presentes bases.

DOCUMENTO ASINADO DIXITALMENTE

SOLICITUDE DE PARTICIPACIÓN

Don/Dona _____,
con D.N.I.: _____, teléfono _____ e correo electrónico
_____ en representación da comparsa denominada
_____, pertencente á
asociación _____, con enderezo en

Solicita a inscrición de dita comparsa no XXIII Desfile de Carrozas e Comparsas organizado polo Concello de Salceda de Caselas e que se vai celebrar o vindeiro domingo 27 de febreiro de 2022.

Modalidade: ___ A (comparsa sen carroza) N^o de compoñentes: ___

___ B (comparsa máis carroza) N^o de compoñentes: ___

Adxúntase a seguinte documentación:

Asociacións:

- Nomeamento do representante cos seus datos de contacto
- Declaración responsable
- Fotocopia do DNI do representante
- Fotocopia do CIF da Asociación
- Certificado do número de conta da Asociación
- Autorizacións para a participación de menores de idade (de ser o caso)
- Listado de participantes coa data de nacemento da persoas de maior e menor idade
- Nomeamento do membro do xurado cos seus datos de contacto
- Fotocopia do DNI do membro do xurado
- Lonxitude das carrozas por vehículos que compoñen a comparsa.
- Copia do seguro obrigatorio dos vehículos que formen parte da comparsa, e número de teléfono dos conductores dos mesmos.

En Salceda de Caselas, a ____ de _____ de 2022

Asdo.: _____ (representante)

CONCELLEIRO DE CULTURA DO CONCELLO DE SALCEDA DE CASELAS

AUTORIZACIÓN DE PARTICIPACIÓN DE MENORES

Don/Dona _____, con DNI _____,
pai/nai/representante legal das/dos menores:

1.- _____

2.- _____

3.- _____

4.- _____

5.- _____

Autorizo a súa participación no XXIII Desfile de Carrozas e Comparsas organizado polo Concello de Salceda de Caselas, que se vai celebrar o vindeiro domingo 27 de febreiro de 2022.

En _____ a ____ de _____ de 2022

Asdo.: _____

NOMEAMENTO MEMBRO DO XURADO

Don/Dona _____, con DNI _____,
representante da comparsa _____, nomeo como
compoñente do xurado para o XXIII Desfile de Carrozas e Comparsas organizado polo
Concello de Salceda de Caselas que se vai celebrar o vindeiro domingo 27 de febreiro de
2022 a Don/Dona _____, con DNI _____,
teléfono _____ e correo electrónico _____

En _____, a ____ de _____ de 2022

Asdo.: _____

NOMEAMENTO REPRESENTANTE

Don/Dona _____, con DNI _____,
Presidente/a da asociación _____, nomeo como
representante de dita asociación para o XXIII Desfile de Carrozas e Comparsas organizado
polo Concello de Salceda de Caselas que se vai celebrar o vindeiro domingo 27 de febreiro
de 2022 a Don/Dona _____, con DNI
_____, teléfono _____ e correo
electrónico _____

En _____, a ____ de _____ de 2022

Asdo.: _____

DECLARACIÓN RESPONSABLE COVID19

Don/Dona _____,
con D.N.I.: _____, teléfono _____ e correo electrónico
_____ en representación da comparsa denominada
_____, pertencente á
asociación _____, con enderezo en

DECLARO

Que a comparsa que represento se compromete a cumprir coa normativa en materia de seguridade sanitaria en prevención da COVID19 vixente na data do XXIII Desfile de Carrozas e Comparsas.

Asinado: _____